

Y 8  
2662

II. 80. F.

(cat. 2, 5-17.)





... hinc inde agnoscitur divinitus et humanis virtutibus  
... sed non inveniunt observationes, ut scilicet inveniunt  
... hinc inde agnoscitur divinitus et humanis virtutibus  
... sed non inveniunt observationes, ut scilicet inveniunt  
... hinc inde agnoscitur divinitus et humanis virtutibus  
... sed non inveniunt observationes, ut scilicet inveniunt

**RECTOR**  
**ACADEMIAE VVITTEBERGENSIS**  
**IO. GOTHOFREDVS**  
**DE BERGER**  
**CONSILIARIVS AVLICVS ET**  
**ARCHIATER REGIVS ORDINIS**  
**MEDICI PROFESSOR PRIMARIVS AC**  
**TOTIVS ACADEMIAE SENIOR**  
**CIVIBVS ACADEMICIS**



*Salabriter  
Vvitebergae*



Sanctae huic augustaeque diuinarum et humanarum artium  
fedi tam inuidet obtreccatores, ut, aerem incolarum  
ualetudini inensum, pugnent, eumque, ex putridis con-  
cretum uanacidisque uaporibus, peruincere conentur. Hinc uul-  
gare ac tritum sermone Germanico increbuit prouerbium, in-  
condito quodam rhythmo comprehensum, singulare prorsus  
fortunae munus esse, si quis ciuium Academicorum sano dif-  
cedat corpore VVitteberga. Dicitur non potest, quantum detrimen-  
ti attulerit reipublicae literatae uanissimum hoc ac detestabile o-  
pinionis commentum, quod, quasi per manus traditum, animosque  
hominum, uel prudentissimorum, peruagatum, etiam nunc altas a-  
git radices, ut, uix labefactari posse, uideatur. Enim uero hi, in angu-  
stias coacti, telo illud propugnare audent, si Diis placet, acerrimo,  
uidelicet occurrere loca hic palustria, unde exhalationibus coe-  
nohis foedisque corrumperetur aer, qui omnium morborum  
causa ab Hippocrate merito habetur. Crassus sane ut uale-  
tudini uehementissime aduersatur, ita indurat ingenia obtunditque,  
qualem Boeoticum fuisse, perhibet eruditorum in uulgas fatis nota  
uox, cui Atheniensium liquidus purusque ac tenuis recte oppo-  
nitur, ut illi ideo haud secus, ac trunci stipitesque, hi omnis in-  
genii atque iudicii principes, in ueterum monumentis, numeren-  
tur. Quamquam, praeter coelum, et aliquid naturali cuiusque  
bono tribuendum, apte differit Io. Andr. Bosius, V. C. in notis  
ad Epaminondam Nepotis, idque clarissimorum aliquot Thebanorum  
exemplis, quorum patria, in Boeotia sita, male, uti mo-  
do dictum, audiuit, confirmat, minus dissentiente Poeta, *sum-  
mos posse uiros, et magna exempla duros, ueruecum in patria  
crassoque sub aere, nasci*. At enim si prouerbium illud de VVir-  
teberga conuicium dixeris maledicentissimorum hominum, di-  
xeris, quod res est, eamque potius, aeris ibi salubritatem praedi-  
caturus, comparaueris, quod Menander, Rhetor, praecepit,  
cum Attici tractus natura longe praestantissima. Locum profecto  
curandae ac tuendae sanitati commodiorem Musarum domicilio  
deligere haud potuisset diuina prouidentia, quippe qui montibus  
caret, uallibus, cauernis, speluncis et lacunis, uentorum, noxios  
anhelitus difflantium discutientiumque, impedimentis, solo item  
pingui, tenaci, udo et uliginoso, unde expirationes oriuntur gra-  
uiter olentes, nebulae, tempestates. Campi, non siccitate torridi, aut  
frigore torpentes, nec nimis imbribus, aut inundationibus, pa-  
lustres, uerum, qua orienti obiciuntur soli, et sigillatim flumine,  
Elystro, cum Albi permisto, alluuntur, amoenissimi salubrem  
pastum praebent animantibus, et limpidissimarum scatebris a-  
quarum abundant, in quibus Lutheri fons, et colore crystalli-  
no, et sapore delicato, augustus, longe lateque celebratur. Ur-  
bem, a meridie, Albis praeterfluit, non turbidus, aut inquinat-  
us, sed per purissimas arenas et sabulum uolutus, terram proximam,  
instar Nili inundantis, nonnunquam foecundat, tantumque abest,  
ut, restagnantibus ex se aquis, aut putridis, maleque olentibus, siue



nitrosus, salis, crudis ac duris, valetudini noceatur, ut eae, infanti-  
um urbanorum uenas redundantes influentesque, a nonnullis potius  
uoluptate, potentur. Solum ipsum arenosum et solidum, cum-  
primis cis Albim, omnem exhalationum materiam excludit, ni-  
hilque uenenati, obstructo plane exitu, patitur erumpere, ac, plani-  
tie patentissima excurrere, liberum australibus et aquilonaribus  
transitum permittit uentis, neque eorum cursum, aut depressione  
locorum nimia, aut elatione, impedit, pestilentesque morbos  
nunquam ex se progignit. Sed quid opus est uerborum anfractibus,  
cum rerum testimonia, in hominibus nostris, natu grandibus, iisque  
non periculis, adsint, qui ipsos terminos a Dauide, uate rege, constitu-  
tos humanae naturae, transferunt, ad uersariorumque nugae, de di-  
ro ac uitioso, nescio quo, aere VVittebergenfi, re ipsa explosum.  
Praeter Langios, Sennertos, Fleischhaueros, aliosque complures  
utriusque sexus, ad seculi prope, tot millibus mortalium hodie dene-  
gati, tractum, aetate prouectos, ante oculos nunc uersatur, nuper ad-  
modum uiuendi munere perfunctus, **GEORGIUS MI-  
CHAEELIS CASSAI**, Hungarus, ingenuarum arti-  
um atque literarum doctor et Sapientissimi Ordinis Assessor, di-  
gnissimus, cuius uitae initium, progressionem et exitum, ex com-  
mentariis ab ipso conscriptis, paullo diligentius repetamus. An-  
no instaurata a Christo salutis, **MDCCXXI**, mense Aprilis, in uilla,  
inferiori Steina, superioris Hungariae, Comitatus Barsiensis,  
agri denique Zarnouiensis, eaque ripae fluuii, Granii, imminen-  
te, natus optimis parentibus, Stephano Michaeli, et Elisabetha.  
Hi non tam ignobiles fuerunt, quin filii natalibus aliquid splen-  
doris addiderint, utpote quorum alter dignitatem senatoris atque  
iudicis, apud suos, cum laude sustinuit, et in tantam uenit  
iustitiae opinionem, ut, ex hac, uir bonus et nominaretur, et  
haberetur, altera stirpis Lucinae, pietatis sigillatim atque hone-  
statis uirtutibus, memoriam sui commendauit. Auum paternum  
coluit Casparum Michaelum, maternum uero Laurentium Luci-  
nium, honoratos uiros, ac morum grauitate praestantes, illum praeci-  
pue ueneratus, qui cognomen suum uel a maioribus accepit, uel  
ex castro, Michalouizio, a Thracibus postea occupato, inuenit,  
cui aliud nouumque, ex cultura agrorum, certi leguminum ge-  
neris, quod Latini *mitium*, Hungari autem et Bohoemi *Cassa*, di-  
cunt, feracium, adiecta a nostro litera *i*, *Cassai*, accessit, more instituto-  
que Romanorum, qui a fructibus Cicerones, Pisones, Lentu-  
los et Fabios, appellarunt. Cum uero nascendi fors cum infima uulgi  
fece nequissimisque communis sit, at educatio homines distinguat, id  
sibi negotium datum existimarunt parentes, filium, domi forisque ingenue  
educandum, ac literis, quibus aeras quaeque impertiri debet, institu-  
endum probe ut curarent, usi, ad hoc, opera clarissimorum atque eru-  
diendarum publice iuuentutis peritissimorum doctorum, in patria, Io.  
Gabriellis, in Zarnouia, Io. Serarii, in Vybanio, Mart. Scalapidi,  
eiusdemque successoris, Andreae Salkalizky, in oppido Raieico, Dani-  
elis Monkouiceni, aliorumque alibi uitae, morum, atque artium  
magistrorum. Gymnasia porro adiit Caschouienfe, Eperienfe, de-



numque, A. c10 10c lxxi, VVratiflauiense Elisabethanum, quibus  
tum, auctoritate tituloque Rectorum ac Professorum, praefuerunt  
Georg. Raduchius, M. Io. Fabricius, Elias Ladiuerus, D. Samuel  
Pomarius, M. Iaacus Zabanius, Elias Thomas, Io. Gebhardus,  
M. Mart. Hanckius, D. Io. Acoluthus, M. Godofredus Fridericus,  
M. Christian. Hoffmannus, quorum sane singulorum memoriam  
tanto semper coluit religiosius, quanto impensius his ipsis non  
uiuendi quidem, sed bene sapienterque uiuendi, acceptam reutilita-  
tionem. Sic ab illis uirtutibus, in uera pietate pariter, ac honestate,  
innixis, doctrinisque uariis et disciplinis, cum diuinis, tum humanis,  
instructi, in iisque, quoad VVratiflauiae degit, summam Illustris  
Christiani Hoffmannsuualdauii, benignitatem, adiutricem studiorum  
suorum atque fautricem, expertus, A. c10 10c lxxv, mense Maio, VV it-  
tebergam contendit. Quod si Academiam hanc uocaueris aut the-  
atrum quoddam publicum, in quo *Michaelis* nostri egregia indoles,  
ingeniique praeclari contentiones spectandas se praebuerunt,  
aut campum ingentem immensumque, in quo excurrere longius  
potuit eiusdem diligentia ac incredibilis discendi aequae, ac  
docendi, cupiditas, aut stadium, in quo ipsum periclitari uires, exerci-  
tationibus non corporis, sed animi ingenique, oportuit, indica-  
bis id, quod secundissimum rerum euentus comprobauit. Pri-  
mum, in ciuitatem eruditam receptus a Rectore, Ioachimo Ner-  
gero, Icto, et Ordinis Philosophi Decurione, Christiano Roehren-  
seo, uestigijs Pythagoraeorum insistenti aliquandiu, sacro quodam si-  
lentio, in sapientiae humanitatisque studijs, ac speciatim in Physicis  
Kirchmaieros, in Mathematicis Strauchios et VValtheros, in Graecis et Philo-  
logicis Stolbergios, Rudelios et VVillemeros, in disciplinis sanctoribus, Calouios, Meisne-  
ros, Quenstadios, Deuschmannos, sedulo audiuit. Deinde, A. c10 10c lxxx, a Senatus  
modo laudati Praeide, Roehrenseo, festo solennique ritu doctor renunciatus,  
paulo post specimimbus publicis, de *senario lauto*, et *sacro*, grauer uterque, su-  
periori cathedra se dignum exhibuit perinde, ac potestate alios instituendi. Quo  
perfecti doctoris munere ita perfunctus est, ut, uel magni nunc nominis uiri,  
praeceptis eius linguarum non magis, quam institutis philosphiae, ac disceptatio-  
nibus subacti, *Michaeli* se nostro deuinctos profiteantur, ac lateri ipsius, in scholis,  
adhaesisse, magnae sibi laudi ducant. Tum, A. c10 10c cxi, in Ordinem Phi-  
losophorum cooptatus, disputatione, de *propositionibus personabilibus*, tributam  
sibi Aellessoris dignitatem uindicauit, eamque, A. c10 10c cxxi, principatus Col-  
legij honore amplificatam, ac uiginti circiter bonarum artium doctorum renunciatione  
confirmatam, ad extremam uique senectutem, ornauit. A. c10 10c lxxxvii felici  
connubio sibi Arnstadii iunctam, Io. Drechleri, Viri consularis, exulis tum atque  
extorris filiam, Hungaram, cui nomen Esther fuit, domum, VVittebergam duxit. Ma-  
trimonium hoc ratum habuit Dei benignitas, fortunauitque ac donauit quinque liberis,  
quorum tres filii tenelli, unica filia, sex et decem annis maior, quartusque,  
inuenis admodum literatus et pius, magnaeque expectationis, et Magistrorum  
docentium numero iam iam ascriptus, separatis temporibus, decesserunt, in iisque  
ultimus anno c10 10c cxxxiv post, quam mater optima, ex aede sacra rediens,  
in ipso *Cosopoliti* Augustiniani ubi habitabat, ingressa, ex animis repente conciderat.  
Tandem et nos, uariis patriae casibus, totque rerum suarum difficillimarum discrimi-  
nibus, ac laboribus ingenij, confectus, die superiori XIII Octobris, hora III matutina,  
anno *aetatis octogesimo quinto*, et amplius, *apostrophe* prostratus expirauit. Mortis hoc  
genus quamuis improuissimum plane inopinatumque accidere solet, eam tamen ipsum  
non oppressit imparatum, qui, semper *ἀνάλογον* illam Paullinam, id est, demigrationem  
in coelestem patriam cogitans, Iesum, istius ducentem itineris, animo est complexus. Ceterum  
*Michaelis* memoriam uetustate nulla oblietari patietur posteritas, quae,  
in gratiam pauperum, qui ex Pannonia huc, studiorum causa, accedunt, *quinque*  
*millia uncialium numerorum*, ab eodem quodam ipso pauperrimo undique collecta,  
horumque subsidij dicatas usuras et bibliothecam, mirabitur, ac grato praedicabit ani-  
mo, Vos, Cives, una cum Patribus Academiae, de Inuenture studiosa, immortalis  
hocce beneficio, Viri optime meriti fauus, ex aedibus VVichmannshausenianis  
hodie, hora I, ducendum, et solenni oratione sacra cohonestandum, frequen-  
tes, quod humaniter rogo, fuisse prosecutos. XII Kal. Nouembr.  
A. c10 10c cxxv

Pou Ye" 2662

40



✓  
5b


vsn 8

1017

M.C.









**RECTOR**  
**ACADEMIAE VVITTE**  
**IO. GOTHOF**  
**DE BERG**  
**CONSILIARIVS AV**  
**ARCHIATER REGIV**  
**MEDICI PROFESSOR P**  
**TOTIVS ACADEMIA**  
**CIVIBVS ACAI**



*alabriser Heberge*

